



天津市立圖書館藏

寓真軒詩鈔卷四

圖

新建 蔡希邠

藏

豫

己未二月留別極樂寺從學諸子

樂羣重聚舊禪堂吟榻纔安忽整裝滿紙雲煙漸潦

草瀕行猶為塗改詩文累日半窗風月負修篁淵源道貫承家學

特請家從伯綺石先生代之香火緣慳禮梵王堪笑欲閒閒不得

嫁衣終歲為人忙

江城館中排悶

偈仄一間屋悠悠吾道窮近街時擾攘開戶晝冥濛

寓真軒詩鈔

卷四

一

頑鈍牛旋磨毳毼鶴在籠心安隨遇適何用仰書空

憶家

萊綵負昏晨重闈有老親離家雖百里終是未歸人

猶記行將發思量去住難如何生骨肉偏不得團圓

三月三日清明稷堂有詩因次其韻

園花似綺媚晴空點綴良辰併日中難得清明兼上

已欲將詩句狀天工觴浮曲水波搖綠竈吐新煙火

燕紅佳節亦隨人與合兄酬弟唱意融融

兩



東風吹雨入窗深兀坐瀟瀟抱膝吟私喜故園蘇亢  
早春田涓滴是甘霖

立夏餐米糝肉

大塊堆筵米糝粗家家爛熟出中廚  
江省人家於立夏日必蒸此肉食之  
看來誰是封侯相眼底紛紛食肉徒

病懷

短几爐薰豈惹煙病懷撩亂困人天  
事經過去深貽悔境解虛空漸悟禪  
舊句尙存詩有識癸丑和徐小田大令詩會  
詠病魔常與客愁兼句異方難覓藥無權  
何從細討雷岐學著

寓真軒詩鈔

卷四

二

手能教宿疾痊

雜感

棟花風裏閉門居終日垂頭課讀書  
惟厭隔牆人語雜市聲喧到晚更初

浮世陵夷事可嗟轉從亂後更繁華  
尋常一席官常宴銷盡中人八口家

酒筵歌笑鬧無端竟與優伶一例看  
莫怪儒生心太傲此曹原不合衣冠

邇來曾偶託關津依舊歸來寂守貧  
仍仗硯耕覓生



活不安坐食到商民  
回首趨庭總角年此間小住憶從前如何十有五寒  
暑陵谷升沈迴變遷  
撫今思昔苦蹉跎閒緒縈懷感慨多安得深山最深  
處一椽茅舍闢煙蘿

夏漲由吳城買舟過涂埠兩泊湖宿

醉登望湖亭醒發吳城市好風東北來舟人大歡喜  
巨浸連修江帆疾衝煙水黯然夕陽下陰雲接空起  
湖天蒸混茫亂濺跳珠兩孤舟急繫椿獨宿荒蘆裏

寓真軒詩鈔

卷四

三

卧聽打篷聲瀟瀟不能已一夢復登亭飛度三十里  
五月又承王霞軒太守必達延課其子因解前

館

懶從關吏逐風塵黃卷青燈倍可親誰料南轅旋北  
轍轉同暮越更朝秦一身太覺茫無定三徙依然舊  
是貧苦爲飢驅營館穀偶留鴻爪亦前因

贈葛升甫丈

攀桂

少小耳公名從未覩公面喜今對門居朝夕常相見  
公言三十時曾與爾翁善如何彈指間升沈遞更變



阿翁木已拱而公尙强健功名雖坎珂文藝夙所擅  
絢極入平淡樸茂格愈鍊桃李滿春風門牆走爭羨  
我生失怙早學業慚多欠總非習爲文頗欲空凡豔  
豈知廿餘年光陰疾於電憂患日交縈經史徒虛願  
綺歲一無成生涯託破硯因公識父執感歎尤依戀  
願公課徒暇爲我勸昏倦

景德鎮賊退

傳聞景德鎮一夕賊潛行達旦軍方覺窮年境始清

江省全境  
今肅清矣

干戈曾膽懾烽火尙心驚鄰國猶多盜還

寓真軒詩鈔

卷四

四

期盡蕩平

弔滕王閣

滕王閣聳章江濱差幾百尺浚城圍珠簾捲雨今何  
在畫棟飛雲迹已陳憶昔滕王全盛時雄州俊彩共  
星馳座盡東南日歌舞圖披蛺蝶春風熙閣公雅望  
繼開宴檐帷暫駐羅羣彥天送才人一夜風落霞孤  
鶩流傳遍後有作者昌黎伯移刺袁州老詞客未曾  
登望紀鴻篇能使江山倍生色自從大筆著千秋瑰  
偉絕特希與傳遂令天下豪傑士曳袂接踵洪都游



洪都之勝何止此秋屏物華胥孔邇每尋名蹟半邱  
墟巋然滕閣靈光峙高峙城南俯南浦舸艦迷津競  
停櫓黃龍青雀去還來冠蓋縱橫迭賓主到此何人  
不詠觴笙歌嘹唳韻悠揚醉覽青天瞰流水壓檐終  
日西山蒼吾儕乘興亦時至下視閭閻低擁地遙吟  
俯唱思過飛層巒返映長江翠江水自流山自立如  
何轉盼成遺迹二百餘年劫火逢游人過客皆追惜  
弔古重來舊戰場妖氛差喜靖危疆回首當時幾莫  
保賊於癸丑年以地雷攻城陷數  
百丈幸完而殘破者凡十一郡至今痛定猶懷傷

寓真軒詩鈔

卷四

五

狐鼠狂跳恣馳驚銷磨勝地紛無數鳳凰臺久化塵  
埃黃鶴樓先委煙霧夜月潯陽蘆荻汀江州司馬琵琶  
亭一例摧殘同瓦礫免葵燕麥空青青我思亂極  
應交泰荆棘潛除去民害會看樓榭爲重興依舊蠻  
甌控襟帶閣中往事雖已矣桂殿蘭宮新更美帝子  
長洲許溯洄仙人別館容栖止崢嶸傑構竟垂成西  
山爽氣撲軒楹凭欄細想鳴鑾度獨立蒼茫萬古情

暮過東湖

疏柳斜陽下渾教汗瀦流

是日應經訓書院課  
詩題爲白汗如流瀦塵勞



奔驥足文字覓蠅頭燈遠人家院鐘遲佛寺樓東湖  
寬浩蕩安適羨沙鷗

中元漫感

不堪情緒苦依依偏是中元我未歸弟可代兄懷自  
歎子能祀祖願多違孝思百歲風搖木鄉俗千村紙  
化衣中元節燒冥鏹謂之衣紙蓋昔人有以紙衣焚化者故云深悔此生差識字  
轉輸耕耨守柴扉

歎盆蘭

并序

齋中盆植建蘭佳種也初置牆圻灌溉斷絕

寓真軒詩鈔

卷四

六

酷日蒸炙生意向盡館童輒復從而害焉吁  
蘭之厄也至矣傷世賢人君子被棄潦倒坎  
坷雖庸夫孺子皆得而侮之者毋乃類是翌  
日主人自外來見而惜之隨命僕移至中庭  
承以高架惠風和拂甘露滋灑荒叢敗葉晨  
夕改觀蘭可謂屈而復伸耳願吾獨惜蘭負  
王者之香而榮與辱俱莫能自主可慨也夫  
觀於蘭知巢父許由之志矣

繁彼幽蘭兮原託根於空谷繞奇石以叢生兮擢清



泉而散馥迺遭逢之不偶兮遂輕出乎山林殊命途  
之多舛兮更遐棄乎牆陰思雨露兮不見斷灌溉兮  
無聞驕陽曝兮羌欲槁而未槁土龜裂兮況非焚而  
似焚噫嘻蘭無言兮懷抑鬱其自苦觸高士以空憐  
兮憾頑童之見侮笑凡草之蔓延兮競離離而秀好  
豈孤標之磊落兮竟菱謝以終老歎主人兮歸來特  
嘉賞兮徘徊爰命升乎晝錦兮迴超拔乎塵埃膏澤  
沃而含潤兮還抱甕以時繼俄敗葉之回青兮迅荒  
叢而返翠念榮辱之無定兮終隨人以俛仰何如長

寓真軒詩鈔

卷四

七

守乎巖穴兮猶免罹乎羅網擊烏盆而打破兮安得  
更入乎深山效古逸民之永伏兮讓百卉於人間  
十月閨後遣懷偶成四絕

草草三場一瞬中文章無據敢論功升沈畢竟難先  
定得失還須問塞翁

憶從兵亂阻秋闈多士紛紛鳥散飛今日廓清全境  
地又來鏖戰弄文機

桂花香接早梅新難得晴和慶浹旬從此鎖闈傳故  
事短檐風日小陽春



彈指干戈已七年那期重結棘闈緣承平試想當時  
事便不飛騰也是仙

夜與稷堂宿城外是日自南坪莊早行

朝瞰猶未出驅車發南坪鴻雁叫天未寒鴉相間鳴  
霜華皜如雪林木皚且明孤輪碾敗籜花梗隨交縈  
勞生敢云倦踟躕往前征中途還買櫂暮指章江城  
到門忽已閉進退難爲情強投茅店宿大被弟與兄  
徘徊不能卧兀坐復起行開門見江水江月照淒清  
對茲各浩歎沽酒聊共傾醉餘興勃鬱仰視河漢橫

寓真軒詩鈔

卷四

八

恨不竟飛度御風舒羽輕如何一牆隔亦似紆雲程  
喜家少軒荷溪同捷鄉闈即以送之赴都

霓裳歌舞廣寒高我不登科亦自豪聽到題名聯伯  
仲數來同學得英髦文章經世家傳業寶氣騰霄劍  
出鞘看去長安宏接引蓬萊先路導吾曹

爲僱車遂乘出城

篷小剛容坐卧纔雙肩迎送出城來傍人錯認公車  
客誰識青衿舊秀才

石頭口古顯仕墓



軒冕今何在，山空土一邱。殘碑銷姓字，荒塚自春秋。  
翁仲無言立，行人太息留。回思千載上，多少化平疇。

家少軒孝廉行有日矣，復作長句奉贈，用紀生

平離合之感云

我少君十齡，君長我十歲。雖非同胞生，卻自聯同氣。  
君以我爲弟，我以君爲兄。切偲而既翕，相與底有成。  
曩君共讀蕭寺中，憩雲精舍吟春風。聰明倜儻我自  
許，疏狂頑性君能攻。我時幼伶仃，癡癡已失怙。君引  
我趨庭，我師即君父。人生三事原無二，况我捫懷載

寓真軒詩鈔

卷四

九

高誼恩洽肌膚，報恐難情深。骨肉嗟何異，君早擷芹  
香。我亦同列泮，先後黌序間。爭期達霄漢，橐筆從游  
偕。有年無端宇宙，忽烽煙干戈擾攘，不得息家境。且  
復交顛連，憂患紛縈書久廢，飄飄各爲謀。生計彈鋏  
依人氣，不豪懷才無地堪。長試漸掃妖氛境，蕩清江  
鄉依舊重承平。多士仰聞

科詔下，鯤鵬鬱久圖飛鳴。君喜竊鳳騰，我空邀鶚薦。  
得失衡寸心，升沈差一綫。天生我材豈無用，珊瑚畢  
竟人珍重。君登鐵網出重淵，離奇合向



彤廷貢我愧殊汗顏爲君欲起舞渾忘時勢艱未審  
離別苦一朝膏車行言往燕都去莽莽風沙十丈塵  
迢迢冰雪三千路我因有一辭臨別向君道功名猶  
外來守身爲至寶沿途不似從前好願君野橋茅店  
謹護持無使高堂懸慮多煩惱

庚申元旦

履端方正始除舊乍更新野肅時應泰家和境未貧  
笑傾東閣酒重慶北堂親兄弟聯吟樂怡怡趣最真  
風雨驟寒感興

寓真軒詩鈔

卷四

十

怪絕太煩熱狂飈忽雨吹一寒何至此萬事類如斯  
窮達參應悟炎涼閱始知箇中消息意料得少人窺  
潦倒齒加長年年甘墨磨生涯蠶作繭家計鵲營窠  
縱有功名在其如時會何滇黔吳越地戰伐尙干戈  
二月十九日舟出龍王潭風暴作危不得泊乃

順風駛至雞籠山

龍王潭上風怒號扁舟一葉輕於毛舟小浪高帆半  
側忠信可以乘風濤濤頭洶湧接天起噴水入艙艙  
濺水斯須倏到雞籠山出險還驚驚未已驚未已兮



姑少留得此平地兮差無憂順風阻船如石尤山鳥  
樹上鳴啾啾

將之廣豐留別諸父兄弟兼寄稷堂

東風吹浪湧江心楊柳依依感不禁兩代慈親雙白  
髮十年游子一青衿正平寡遇仍爲客伯樂難逢莫  
賞音此別卻憑師誼重

爲家僕軒師護  
眷往儒學署

門盈桃李接

新陰

弋水饒流次第過

上饒弋陽爲  
必經之路

登舟預擬興如何輕

帆破霧凌蒼靄短櫂衝煙盪綠波柁轉岸隨圖漸展

寓真軒詩鈔

卷四

十一

櫓搖潮劃鏡初磨懷人最是停船候卧聽漁村唱晚  
歌

八口攜將事遠行受恩深處要分明全家託寄言須  
踐依路扶持任匪輕自揣服勞原我分便傷離索亦  
人情阿雲况共迢迢隔春夢鄉思兩地縈

稷堂仍  
館省垣

萍蓬無定迹飛揚堪歎勞勞慣趣裝出谷有鶯頻睨  
睨辭林如鳥暫翱翔山多仙嶠皈依近地接名區化  
澤長若訪鵝湖微繞道好尋先哲讀書堂

江上喜晴



舟行初見日獨立倚篷窗霧散雲猶聚風平浪不撞  
霽容舒遠岫春色滿長江向晚還虞雨嚴寒苦未降

黃泥坂阻雪聞警

三月天大雪荒坂增悽酸入春尙冬令肅殺慘不歡

花柳黯無色重裘猶怯寒昨聞上清

地名

亂羣盜方踞

蟠紛紛競逃避舟楫飛奔湍我行未敢發惶恐逆水  
灘平生仗忠信動輒輾轉難安知彼蒼意磨礪非有  
端冒氛悔何及所要保護完徘徊錦江上江氣白漫  
漫

寓真軒詩鈔

卷四

三

安仁城下清明

石溪回棹泊長城咫尺薊溪不可行忽見人家插楊  
柳始知今日是清明

重過鄱陽湖懷古

又向鄱湖放櫂來英雄回首事堪哀那知百戰銷磨  
後復有沈沈殺運開

警回暫餽東灣宅居兼爲少軒課讀兩子

聚離二十日來往一千里中道聞賊旋迴莫定行止  
浩然歸計決長途免齟齬轉賴各安康不幸中有喜



僦寓東灣頭芸窗理故紙啟迪勤詩書經營雜鹽米  
勞勞敢憚煩然諾踐終始

越日歸省里中有傳余舟遭風者今喜無恙言  
旋

高堂歸見慰慈顏誕語訛傳遂盡刪未受風濤忘境  
險忽聞兵火值時艱溯洄道阻他鄉岸迎送情縈故  
國山一笑此身梁上燕翩然飛去復飛還

得家樸軒師書知賊由城下逕過並未圍城

尺書驚喜報平安流寇無心戀彈丸城內是兵城外

寓真軒詩鈔

卷四

三

賊不分功過廣文官

東灣寓齋春盡遣意

爲愛湖山住幽居偶息肩漲痕侵岸水嵐氣擁窗煙  
高卧宜今日狂歌悞少年向來飛舞興頗欲斂林泉  
得閒誠不易從古葛天民慚恩尋常輩看將三十人  
蹉跎銷歲月奔走逐風塵何日能安聚重闈奉老親  
門敞深深院空庭靜不譁淺黃梅已實濃綠棗將花  
雨溜鶯聲滑風翻燕影斜即茲真趣足端莫負韶華  
剡中馳羽檄天柱自雄都聞道重城陷驚傳萬騎呼



妖氛莽南國浩劫到西湖無力空憂亂乾坤鬱壯圖  
莫漫傷時事澆懷酒滿瓶遠松連岫碧高樹過牆青  
讀畫鏡詩意攤書養性靈漸思求實用恨不早窮經

湖上晴眺

碧空如洗雨初晴倒映波光潏潏清回首卻看湖上  
鷺只他心迹共分明

即事

斗室塵消夢亦舒司徒底事苦躊躇明知荆棘盈天  
下開口談何易掃除

寓真軒詩鈔

卷四

古

薔薇入夏盛開時復風日晴美香豔殊異爰作  
長歌寵之

畫堂春去歸何處桃李含情泣煙霧翻階芍藥亦無  
言婪尾數枝留不住獨有薔薇韻最嘉羞儕羣豔競  
繁華直從朱紫飄零盡然後特放猩紅花柔條密刺  
游絲惹壓架陰籠色嬌姹越女酣眠翠帳中文君醉  
倚紗窗下清芬況併兩俱絕轉恨海棠猶抱缺淡脂  
沃臉暈丹霞濃薰麝蒸絳雪更值天開爛漫晴醅  
顏映日倍鮮明朝露浣生香馥郁晚風搖颺態輕盈



黃金買笑曾傾倒，賭錦出袍尤雅好。吟詩不乏陳澹  
才眼前無復徐知誥。

兩夜獨酌

細雨廉纖密，散絲夜涼渾似早。秋時殺，因遠市無他  
味，酒偶傾壺盡。此厄萬事破除，惟有飲百年好。在不  
先知寥寥宇宙茫茫，局海捲雲浮浩蕩。馳

晚立湖上即目

湖外青山山外湖，夕陽明滅浪平鋪。掠波水鳥忽飛  
去，穿入林煙淡欲無。

寓真軒詩鈔

卷四

五

齋中花果翳如爲各分詠

薔薇花謝石榴開，點綴庭前映綠苔。頗惜無香空灼  
爍，一株火樹倚雲栽。

棗花斜亞隔牆枝，半畝清陰接地垂。風定捲簾香細  
細，泥人頻向座間吹。  
南薰天恰熟，梅黃金彈勻圓取。次嘗莫怪太多酸氣  
味，是能調鼎佐羹湯。

夏日游家塘觀稻

龍鱗壤接繞迴塘，赤日炎炎火繖張。行盡平疇人不



覺滿身衣撲稻花香

九月七日風雨夜醉成四絕句

半窗風雨晚秋天塊磊難澆醉不眠二十八年成底  
事青衫依舊守青氈

記憶兒時似昨時關懷往事太差池此間憂樂平分  
處世味酸鹹已盡知

漸苦營生境孔艱自憐囊筆不能閒回思具慶堂開  
日獨抱殘編淚暗潛

聽來檐溜響分明人海何堪又弄兵逢此時光當此

寓真軒詩鈔

卷四

六

夜最無聊賴是書生

雨傷湖上未淹晚稻妨穫

種時水全消旋長上從種後青青塞湖稻存者無百

畝始猶望補之芒穀覓升斗芒穀雖秋後可種豈知洪水淹

直浸三月久似余僱人耕計算更烏有轉耗硯耕費

爲博供八口方擬及天晴其穫趁秋九奈此注滂沱

淫雨時昏黝欲撈芽已生未刈粒先朽試思中澤中

斯民果何咎彼蒼巧磨人兀兀徒搔首

苦潦



徹日傾盆仰屋嗟薄田都付浪淘沙早知耕讀難安  
業應效漁樵且做家釜底泣薪如爨桂堂前攤稻似  
漚麻秋成已歉還多變浩劫浮生未有涯

寒夕不寐

輾轉中宵夢不成無端心緒自交縈月光滿地霜華  
重聽盡鄰雞斷續聲

臘月賣田誌慨

我田本不多我債亦已積賣田還債家田去債累釋  
債家索債聲如虎咆哮攔門肆輕侮何日真能了宿

寓真軒詩鈔

卷四

七

逋一朝奇氣凌雲吐吁嗟乎通財無復管鮑交馮驩  
市義皆英豪古人已往不可作庸流競利爭錐刀眼  
前阿堵是何物能使賢愚同伏屈負郭拚無顏子田  
貧居差喜憐休乞祇恐舊債未清新債續抱愁仍仰  
虞卿屋低首降心悲局促君不見北阮兒郎富家子  
生作錢奴死錢虜豈知昫昫迭與人賓主

飲酒同稷堂作

一杯弟勸互兄酬和藹天倫樂自由漫詡才華同繡  
虎未諧時俗任呼牛謀生到汝真非策乘醉憑他別



不憂還撰大言相感勉古人窮餓亦千秋

辛酉正月三日

正月纔三日春光已滿庭白頭增算甲黃口兆添丁  
荆樹須長茂萱花願永馨堽箴歌伯仲相與頌延齡  
撥雲院示從學諸子

靜室藏修別有天一龕香火古因緣山橫赤岸山名真  
如畫路撥青雲迴欲仙世外道心參此日人間凡骨  
換何年同依受學應同悟矢志丹成九轉圓

春夜雷雨

寓真軒詩鈔

卷四

六

宿雨重陰鬱不平卧聞雷鼓吼空鳴蒼蒼想亦憂人  
世滿地腥臊未忍晴

郊外晚步

出郊天已晚寒重覺春遲二月行將盡青青見柳絲  
敬題先大人舊改文稿

繩墨縱橫手澤存耳提面命記晨昏傷心十五年前  
事捫紙猶多涕淚痕

奉懷鍾官城丈時爲吳竹莊觀察參贊軍務師

駐湖口



石鐘山下擁旌旄老去參軍熟六韜愛客恰依嚴武  
重論才應數杜陵豪職當報國心拚瘁事不求功品  
轉高只是文園遺稿在望能修訂慰兒曹會以先大人詩草求校

楚北李端菴

廷瑞

過訪撥雲院出其詩稿下問

并承投贈長句爲次其韻答之兼以敘別

鯁生腳不出閭里五嶽空懷徒仰止青氈局促寡見  
聞那識天下奇男子奇男子自古多狂癡磊磊落落  
原不求人知入門初覩無一辭從容談論見襟抱袖

寓真軒詩鈔

卷四

九

中籠得數卷詩君詩欲歌復欲泣滿紙憂思亂離日  
釣鼇壯志雖已灰江湖廊廟皆通材眼前出處且莫  
定月鉤虹綫安在哉况君同是神仙裔謫仙家風猶  
未墜飄然負有凌雲氣不必夷齊不必惠水深火熱  
此日民患真非細讀君詩與君同下辛酸淚惜君恩  
恩難久留春樹暮雲無限意紫雲峯上佳氣多端菴避亂  
紫雲峯自號獨寐山人吾恐君抱殊才未必能終寐

題李母王太孺人傳後

孺人即端菴之母

事君致身親竭力其事則二道則一君不見李母之



孝世所稀竭力事姑身不恤刲股和藥療姑疾眾口  
輕薄責以愚豈知計窮無奈真誠出吁嗟乎計窮無  
奈真誠出丈夫幾人盡子職

勉紀兒

汝生祖未見此恨渺難追猶有舊書籍壓架多祖遺  
我因課汝讀轉想從父時口講而指畫娓娓訓不疲  
十齡學文藝把筆麤能爲哀哉旋失怙孤子斃斃悲  
有弟更予幼伶仃常我隨艱難並成立偕我奉重闈  
聯翩采芹藻馨香盈泮池雖未宏建樹門戶差可持

寓真軒詩鈔

卷四

三

汝今年十二而尙無一知誦書略識解野性貪頑嬉  
明明身在案輒或心外馳戒諸且加勉務紹裘與箕  
箕裘苟克紹世德應長垂汝毋失祖武典型允念茲

初夏聞警

中原苦爭戰薄海深毒痛誰釀此禍根浩渺遺震區  
筠陽驚復陷瓜蔓沿新吾

賊據瑞州竄入奉新一帶

犬牙數州郡

遍竄豺與狐民心轉好亂所說人人殊惟我聞更怯  
束手無良圖大母年八十寸步須策扶阿母亦頌白  
肺病恆少蘇全家盡柔弱瑣瑣羣妻孥倉皇買舟楫



有弟遙相呼呼弟護將去親送至前途撫躬長太息  
四顧還躊躇我往寇亦往此語洵匪誣願當復承平  
聚首安蓬廬

燈下獨坐懷稷堂

夜窗燈火閃孤檠憂患同膺兩弟兄安得與君連解  
舍白頭談笑足生平

悼桂

并序

撥雲院南有丹桂一株不知何代物也課暇  
偶步見其葉似桂近視之猶有花蓋四時桂

寓真軒詩鈔

卷四

三

云然已中空外枯漸少生意察其地則與陳  
姓村北古樟鄰樟大十圍枝葉繁茂旁引一  
幹斜覆桂上雨露風日盡爲所奪恨不急揮  
斧斤斲其半俾桂同得以承天澤而滋發榮  
也告諸村人莫能聽噫嘻是桂之厄矣獨念  
古今來其遭排擠挫折如桂者夫復何限又  
不獨桂之爲然耳

南山有桂北山有樟桂生其下樟擁其旁側幹斜出  
繁柯怒張倚天得勢蔽日失光和風習習甘露瀼瀼



膏澤深渥婆娑獨當或童以黑或老而蒼一榮一悴  
一低一昂譬諸賢哲中奸所傷浮沈傾軋偃蹇頽唐  
豈無斧柯以伐遠揚顧瞻莫假袖手徬徨

五月二十日喜陳泗津丈見過款留午飯時水

盛漲苦無殺饌適得雙鳧佐酒亦一時之韻  
事也爰作長句紀之即呈泗丈

雪浪泊天聲撼屋帀月無人慰幽獨史逢十雨九不  
晴但覺陰霾重林麓破曉雲開乾鵲噪瞥見先生來  
不速高談雄辯日方中市遠留餐乏魚肉忽然門外

寓真軒詩鈔

卷四

三

小舟過攜至雙鳧毛羽綠歲荒價平購頗易信手探  
囊剛已足主人自笑原老饕惡用炮燔資館僕搗薑  
調豉親炙烹登盤錯雜紛攢簇大呼撥甕東牀頭醞  
釀清醕碧於玉放懷飽啖恣痛飲如此巧合真口福  
底須載羨公膳難轉訝饗人竊更驚人適意當盡  
歡何事沾沾苦拘束卻思此日江湖民鴻噉到處多  
枵腹我曹酒人得天幸晚稻管教豐可卜眼看水退  
漸歸海種秫家家釀醪醪待到重陽落帽時洗琖還  
邀賞秋菊



暑夜微雨

稍覺披襟爽，廉纖此夜清。  
蟬琴風裏靜，螢火雨中明。  
窗拂新蕉暗，階鋪細草平。  
隔牆聞促織，斷續欲秋聲。  
伏日與紀兒病瘧戲討以詩代檄  
烈日燒空暑不消，等閒二豎竟相招。  
岳家父子軍難撼，寄語狂魔莫浪驕。

慧

月在未歲在，西星垂象象。  
如帚紫微外，北斗傍燄赫。  
赫光煌煌透重垣，橫十丈定掃除。  
平浩蕩慧見亂時應主治平

寓真軒詩鈔

卷四

三

有掃舊更新之象

癸亥三月將赴皖別家人

干戈還擾攘，游子欲何之。  
行行下皖江，相顧色慘悽。  
古人重孝義，今人輕別離。  
細思非得已，出戶赧且悲。  
家人環兩旁，童稚皆追隨。  
少長無一語，嗚咽臨路歧。  
舉目天地間，所在猶瘡痍。  
豈不憚險阻，五窮驅我馳。  
蒼茫問前路，擊楫忘艱危。

途次見紙鷺

看得扶搖颺碧空，居然振翮自搏風。  
可知一綫青雲



路全在區區掌握中

自吳城放舟馳泊女兒港宿明日行至湖心漏  
發危甚幸呼鄰船助救得免作此紀焉

扁舟昨從吳山來南風捲浪聲如雷鄱湖澎湃千萬  
頃船頭噴雪雪作堆風順水流波激箭揚帆直下掣  
奔電須臾已過南康城遙望匡廬識真面匡廬咫尺  
不可攀黃昏遂到姑塘關女兒港口夜停泊半鉤斜  
月挂鞋山大孤俗名鞋山詰朝解纜風愈烈中流漏發行不  
得篷窗湧水深尺餘我與篙師俱失色疾呼鄰船相

寓真軒詩鈔

卷四

五

救援共尋罅隙探其源是時風亦爲稍息補藉人力  
還天恩何以補之資敗絮舟人曩日謀先豫乃知天  
下無棄材木屑竹頭縈遠慮動心端合智少增幾失  
性命鴻毛輕瀕溺不溺或有待成敗利鈍皆前因

小孤晚泊

大江中插小孤山路鎖西江第一關曲磴迴旋盤鳥  
道懸崖突起聳螺鬟鱗鱗浪撼春波綠面面濤翻夕  
照殷偶泊磯邊牢繫纜夢游應在翠微間

湖口望石鐘山



挂席度湖口騷人感慨深文章思往古勲業仰當今  
碧灑忠臣血丹酬壯士心彭雪琴少司馬奉勅建昭忠祠於其上轉嫌  
風太利未獲一登臨

彭澤

雉堞層巖裏荒城景物幽石竒緣岸立山曲抱江流  
煙火無多聚波濤幸少休我懷五柳館靖節著千秋  
馬當遇風

長江有山都作峯峯峯秀削無雷同馬當傑立枕江  
上橫列幾朵青芙蓉我初涉江無所得倚窗終日看

寓真軒詩鈔

卷四

三

山色神人似亦助人風破浪如飛帆緊勒散材樗櫟  
何足云自慚胸之子安文殷勤勞費吹噓力把酒臨  
風欲酌君

安慶郊望

萬家生聚向城隅浩劫消磨半有無恰似旱苗憔悴  
甚乍經時雨未全蘇

謁余忠宣公墓

忠宣墓碑屹立耿耿丹心盟鐵石元綱紊賊蜂起紛  
紛大吏多披靡公獨保障江淮地持節無慚宣慰使



內防外剿著奇勳一時將才無與羣令嚴而信復仁  
怒衝鋒陷陣身先赴寇兵環布四面攻奮力血戰真  
英雄拔劍自刎完其忠清水塘波皎潔依稀猶見當  
年血我來謁公塋慷慨詠公事愛公今復有鉅公戡  
亂重修刻碑字部將馬萬戶李忠魂一例碑重紀經墓  
兵燹爲彭雪琴少司馬重修  
立碑書字馬李二塚皆立碑精誠曠代能相孚手同  
殺賊偉丈夫六韜三略出經術從古報國無殊途君  
不見履聲橐橐老危素宛轉浮生亦朝暮邦社漫徒  
歸氣數吁嗟乎忠宣墓

寓真軒詩鈔

卷四

美

皖中清明日寄稷堂

遠客逢清明思君不能已  
煢煢兩弟兄相隔七百里  
同懷本無多何堪數離別  
猶記分袂時欲話聲轉咽  
別君已彌月僑寓皖城中  
求人良匪易感感靡所從  
苦爲飢驅行艱難供八口  
淒涼舊衣冠天涯強奔走  
尋常別且苦此別尤酸辛  
白雲空悵望無復倚閭人  
守墓既未能掃墓還未可  
縈迴一寸心料止君同我

奉彭雪琴少司馬檄隨張小山太守

秉鈞

籌辦

餉鹽先抵口岸

口岸鎮爲古柴墟



淮南鹽此出江口共停橈列艦排成市浮槎鎖作橋  
關分上下水舟趁往來潮一事深堪羨頻年劫外超

泰州初夏紀行

嫩篁抽筍豆生初風景沿村畫不如客舫每從橋下

過人家多在水邊居分秧隴闢纔飛鷺刈麥田耕競

叱驢民俗勤儉收麥後即耕種稻以驢代牛見說此間能避世道光中

泰可避亂者並詢土人卜鄰我欲伴樵漁聞有謂

得稷堂三月書感成即寄

未讀神先愴開絨半是愁鶴鴿棠棣誼鴻雁稻梁謀

寓真軒詩鈔

卷四

七

作客憐漂泊因人愧壯游相期何日夜聽雨對牀頭

五月舟中苦熱

夾岸千艘一樹無藏舟何處覓菰蒲薰風但覺吹人

熱酷日翻疑煮海枯鹽務時多苛政愁劇倚窗渾似火汗多

搖扇不成珠誰憐此際征蠻士帶甲重重尙渡瀘是月

內湖外河水師齊集金陵攻九洲

岳忠武鄂王廟

此地曾巡視柴墟寢殿開君謀航海出臣奉督師來

三字埋冤獄千秋哭將才至今遺愛在撫樹不勝哀



祠內外  
多古樹

### 道傍觀餽

壺榼提攜餽路傍  
綠陰深處豆瓜香  
野人怪道驅車客  
如此炎天底事忙

### 代書寄勉紀兒

問年剛已及成童  
就傅仍應自課功  
道有未參須靜細  
質無難化在圓融  
但求淬厲先諸子  
莫更迂疏似乃翁  
奕世巾箱傳不易  
要能努力紹家風

### 贈真州陳宜頌廣文

解

並呈其弟六舟太史

寓真軒詩鈔

卷四

天

大雅久消歇  
吾道誰相親  
文以潔為上交  
從淡始真傾  
蓋得知已投  
轄忘主賓  
所期益攻錯  
莊語恆書紳

鄙性愚直  
屢承鍼砭

遇君已良慰  
君弟尤足嘉  
臚傳襲衣鉢

金殿蜚聲華

六舟太史彝登南宮名次及廷試二  
甲一名適與其先方伯公合洵佳話也

先生尙儒素  
逸氣仍煙霞  
邂逅二難合  
恂恂詩禮家

### 除夕醉歌

青衫潦倒真腐儒  
翩然捧檄來海隅  
才慚驥馬負鹽車  
力小任重忘艱虞  
賴隨漁陽同步趨  
謂張小運離  
山太守



接濟籌軍需爭爲元戎效馳驅元戎文士將略儲起  
身贖序敦典謨戈船殺賊澄江湖似公方不愧讀書  
我空咕嗶無良圖卻欲竭慮謀轉輸徒費帑餉虛居  
諸奄忽今夕歲且徂出見萬戶新桃符夜來洗琰瀉  
醜醜殺核羅列盈行廚仰天大醉歌烏烏英雄自古  
多酒徒入貲爲郎薄相如寸階况藉親朋扶人不自  
立非丈夫吁嗟乎人不自立非丈夫頽然酣卧吾故  
吾明朝還起傾屠蘇

寓真軒詩鈔

卷四

无



寓真軒詩鈔卷五

新建 蔡希邠 稼堂

甲子元旦柬李小峯太守 光熙

瞳瞳曉日出扶桑佳氣充閭室有光地遠烽煙安樂  
利天開雲物煥文章 是日天氣清明之至竟銷劫運回元運何  
論他鄉與故鄉彈指東南完半壁昇平頌欲獻吾  
皇

詠史

百年事業歸青簡幾輩勳庸到白頭太息功成誰善

寓真軒詩鈔 卷五

退絕無牽絆羨留侯

松林菴觀古松歌 并序

秦州松林菴古松高僅數尺自根挺分雙幹  
望之矯若游龍鱗鬣縱橫頭角畢具菴故卑  
隘松輒盤旋宛轉不放一枝稍出檐外綠陰  
約半畝許柯葉膠結土人皆以古松稱之而  
壁間題詠又多稱以柏者粹莫能辨惟玩其  
葉似柏而圓幹與皮則松也乃作長歌留壁  
俟後之觀古松者或別有所考云



青青古松樹託根古巷裏問松何代植問巷何代始  
松亦不知何代植菴亦不知何代始牆坳遍覓無碑  
紀我因訪松先訪菴入菴見松大歡喜一株陡分作  
兩幹擎空天矯雙龍起卻教盤屈老戶庭傾蓋剛撐  
檐尺咫密陰遮地綠無縫若用作棚真盡美阿誰解  
事結架承虬髯拂雲低不委杈柯幾枝勢欲上俄復  
迴翔輒中止有如賢大夫謙退恭行已又如隱君子  
韜光攝幽履人世浮榮何足齒不信但看桃與李朝  
華夕殘徒綺靡松吟拳曲饒至理

寓真軒詩鈔

卷五

二

卸差

兩淮藤葛巧遮攀根託牢盆勢莫刪金井有錢容巨

蠹玉臺無鏡照神姦

淮南先是歲包課銀二十四萬兩經剔弊上陳裁減引價改行

票鹽釐課合計歲增數百萬金然因強當十面才應

此遂爲傾軋而鹽弊亦未能盡除矣拙驟卸雙肩夢亦閒看破世情多險薄不如歸卧故

園山

六月初旬將返江右留別海陵同志諸子

薰風楊柳綠婆娑驕日如焚可奈何獨冒炎蒸辭海  
澁敢憑忠信涉江河肝腸全露心機少意氣難消血



性多差幸有人同志在砭鍼時錫共研磨謂陳頌廣文

交游新好半黃堂一例憐才助辦裝李小峯張小山劉潔齋太守同

為代謀歸計吟句久諳長吉苦放懷齊諒次公狂因羊

仲知求仲更遇元方識季方曹右之孝廉陳六舟太史均以宜頌獲交他

日特書編作譜儒林佳傳合循良

涪翁開派衍風騷偏向吳陵集俊髦愛我忘年傾肺腑

腑讓人得路處脂膏舊家薄宦情原淡戴子琳文裘子芬竹邨昆

仲皆吾鄉舊家而皆長於我子琳丈並七十矣畢竟安貧操自高莫笑阮囊

羞澀甚能敦桑梓是吾曹

寓真軒詩鈔 卷五

南連閩越路悠悠烽火驚傳逼斗牛鄉國有兵方擾攘

天涯無事肯句留二分明月孤前約去年宜頌約游揚州未果

兩袖清風帶別愁樽酒離筵叨祖餞論文何日細重

搜

揚州晚泊

江都第一繁華地今日停橈瓦礫場惟對塔鈴風自

語城外僅一塔存萋萋芳草滿斜陽

出江遇風喜占

眼界忽無際出江初破程帆飛風正飽舟壓浪仍平



煙水隨吞吐雲山管送迎曉聞傳露布已下石頭城  
是日早發聞金陵捷音

駐馬河守風

守風駐馬河茅屋八九家居人羨行人安坐衣羅紗  
豈知行人艱終歲常作客挾策謁公侯仰面因人熱  
居人雖言苦耕鑿能自如謀小求易給飽食樂有餘  
榮辱兩俱忘熙熙偕婦子一語謝居行人不如汝

題畫

謾謾松風絕壁生滿汀蘆葦晚煙橫得魚換酒膏騰

寓真軒詩鈔

卷五

四

醉醉倒船頭卧月明

荻港風又阻不得行因遍探巖石諸勝

江濤逆難上留滯荻港濱臨江多好山山骨何嶙峋  
捫巖恣探賞層疊磴可循怪石森低昂瑰異羅具陳  
玲瓏萬穴竅開鑿疑鬼神野篁倚叢生點綴清絕倫  
攀躋日紛紛山臨大道行人往來不絕誰解尋相親吾生抱奇癖  
獨愛往復頻舟人笑我迂迂者全其真逝將買山住  
約與高士鄰隨地足栖隱胡爲逐風塵

海陵從事年餘塵俗萬狀暇邀二三知己尋城



南空曠處作避囂計若岳阜胡公書院尤園  
斗姥宮華佗廟者輒一至焉然皆稍顛即返  
初未待其興盡也蓋人中有所擾雖置身極  
清淨土而亦難得少佳趣語云不是閒人閒  
不得閒人不是等閒人真至言哉舟中無事  
追憶及之爰得七絕五首

一家父子全忠孝遺像長留重泰山  
岳阜一名岳墩相傳築以望敵  
上有武穆及小將軍像土人稱曰泰山蓋尊之也  
親向岳墩瞻武穆此行原  
不算空還

寓真軒詩鈔 卷五

吳中教授澤流長古木凌霄蔭講堂知是先賢曾過  
化如何解舍恁荒涼  
胡公書院爲蘇湖先生講學處今則僅存講堂矣  
二月春風到鼠姑尤園雅集當披圖  
園爲尤姓別業小有庭榭牡丹  
最著每開盛時觀者如雲紅嬌紫膩爭妍極別有亭亭玉數株有中  
白者更勝

綠窗瀟灑梵王宮紺宇珠林曲徑通開遍碧桃還芍

藥沁人春色醉東風  
斗姥宮碧桃芍藥花時亦多識會

半灣煙樹臨溪水樓閣參差倚暮晴鬢江鄉舊風

景眼光殿畔石橋橫  
華佗廟絕似吾省靈應橋頭之眼光殿嘗過其地如至江鄉



中元野泊獨夜愴懷

孤舟宿荒江驚值中元節曰歸猶未歸南風浪如雪  
哀哉我先靈泉路傷永訣遙思弟與兒修祭應豐潔  
奉牲醴必虔終愧未親設矧聞椎牛饗不及雞豚悅  
奈何事奔走此典并亦缺作詩躬自悼愴然向誰說  
絡緯鳴蘆間斷續聲悲切迴腸已轂轉添緒縲百結  
露坐月西下入卧煩更熱欹枕不成眠江流夜鳴咽  
謁湖口石鐘山昭忠祠題壁

石鐘山不可攀鎮洪濤扼雄關下臨流水之潺湲上

寓真軒詩鈔

卷五

六

染戰血之斑斕亭臺矗立樓榭迴環問誰實經營締  
造而使登眺者足以開心顏爰有偉人誕降荆楚目  
擊乎天下之滔滔而不忍斯民之失其所迺出膠庠  
迺就戎伍策水師有艘如龍練水軍有士如虎爲丞  
相贊厥功爲

天子爭此土蓋嘗展轉於數千百里之間而備塵乎  
六七年之苦卒之神勇揮日精誠格天殄凶殘兮十  
萬振勁旅兮三千遂搗其穴並踞其巔慟英魂以飈  
逝愴毅魄之壑填於是祠廟建



綸詔宣茂矣美矣巍然煥然而其四周也則隨巖岫  
之佶屈結廊檻以盤旋植花蒔竹鑿石澹泉虛白留  
月疏翠滴煙騷人憑弔以唏悼過客凝覽而流連將  
使斯山永峙乾坤遠齊海嶽等道濟以爲城陋子瞻  
之言樂天險式憑地靈攸託願大書而特書俾後之  
守是邦者咸撫碑以相告曰藐茲彈丸東南鎖鑰

八月十三日到家書感

恰值中秋節欲臨布帆無恙返園林胸間苦乏三千  
卷手底空過百萬金報國最難酬夙志讀書端不負

寓真軒詩鈔

卷五

七

初心兒童莫訝歸裝薄性拙猶能遇賞音

彭雪琴宮保知辦餉

鹽一塵不染屢有血性男子之稱

榜後上蔣樸山年伯

是科鄉試亦於十月補行

玉署高寒老謫仙早乘驄馬羨當年校文久共參燕  
許著史真堪壓董遷自是風雲相際感不關雨露獨  
承偏泮池近更鳴雛鳳畢竟藏園代啟賢  
九重銜

命下羊城親導安輿鼓吹迎會富糧儲勞轉漕又新

鹽筴兆調羹

公由廣東糧道晉鹽運使司

蘭陔樂養白華潔



楓陞光邀

紫諾榮忠孝自來通一貫未須封餽勸臣清  
戴得

皇仁浩蕩寬偶歸衣錦萬人看適娛萊絲增文繡旋

訝萱閣見素冠奉母還鄉原不易似公表墓定無難

覆盆只是遲遲照疊嶂雲遮蜀日寒時擢川臬北上  
中途聞訃而回

已過三十尙衡茅腮暴頻經莫解嘲繙譜喜能逢父

執授書應肯教兒曹竟成濩落才誰重尙致騫騰氣

亦豪翹首碧霄宏萬里欲飛全賴解絲絛

寓真軒詩鈔

卷五

八

乙丑初夏與家荷溪從兄重宿龍泉寺

回首愬恩十四年又來山寺聽流泉龍潭月印慧珠  
淨鳳嶺雲環寶蓋圓半榻嫩涼生水石一庭空翠潑  
嵐煙遠公不拒攢眉客留得招提再宿緣

送家芥舟觀察赴雲南迤東道任

濟時才許重邊城安步艱難壯此行會向蠻臺移使  
節暫從滕閣駐勞旌每逢水火真能拯慣補瘡痍定  
易平無量山迎無量佛萬家翹首待生成

聽遍東南奏凱歌又銜



恩詔赴交河水探星宿源流遠山雜煙嵐瘴癘多共  
倚玉屏山名資保障獨標銅柱望差哉要知征虜吾家  
事滇海從堪早息波

畫船西指盪蘭橈空負多情特見招十九人中慚碌  
碌五千里外悵迢迢文章未獲榮金馬勲業終期美  
珥貂彈缺自憐寒乞相也思平地上丹霄

松雲精舍次梅菴和尚韻即以贈之

覓得松雲靜掩關偶於人境占蕭閒盤餐細領禪邊  
味樽酒濃添醉裏顏風過竹搖金瑣碎月移花弄石  
寓真軒詩鈔 卷五 九

爛斑從來大隱居城市底用將錢更買山

詠桐

孤幹亭亭立濃陰覆綠苔淨宜經雨洗高合倚雲栽  
葉報九秋落花迎三月開明堂清廟器珍重此琴材  
九月重作皖游登舟雜感

大鳥久不飛不飛還不鳴豈伊竟雌伏毋乃出匪輕  
擇木須擇良滿地多棘荆棘荆害猶小未足障太清  
言有凌風樹柯葉紛縱橫狂飈振雷電白日無光明  
一朝巢其上食與鷗鴟爭維彼後凋姿終古常自榮



所棲必鸞鶴天漢鏘和聲願隨集林端永結歲寒盟  
去年從皖來今復從皖去來去剛一年中間一年住  
住家反不樂戚戚少歡趣少孤事重闌色笑承悅豫  
萱花壘凋謝相顧惟婦孺豈無同懷子各爲衣食慮  
聚難偏易離分袂輒恩遽我時東涉江目斷鉛山署  
稷堂時就鉛山縣館落拓兩人身上下千里路恨無費長房縮  
地導飛度

丈夫慣出門恥爲可憐色童稚故依依問胡適異國  
課讀亦生涯時命聽通塞頻歲爲軍需籌遍江南北

寓真軒詩鈔

卷五

十

歸來仍兩袖究竟何所獲乍聞言有理半晌良脈脈  
欲止止不能欲行行不得轉思室懸磬甕早無菽麥  
藉覓升斗儲免汝飢寒厄更思幼麤學未稍展寸策  
誓將重請纓及我頭尙黑不然情則同甯獨好爲客  
揮手謝兒曹方寸徒愴惻

鄱湖夜懷家少軒明府時捷南宮回里曾過省

門

蘆花如雪雁南征無那君歸我又行雙槳秋風彭蠡  
澤一燈夜雨豫章城談深款款懷俱見別急依依夢



易縈遙羨高堂娛色笑宮袍親惹

御香盈

望匡廬

香鑪迴立翠凌霄五老依稀近可招風約白雲成一  
片橫拖玉帶束山腰

湖口獨宿

江流風激浪聲轟解纜連朝未出湖澤畔有家千頃  
隔余家鄱湖西燈前無僕一身孤時僕因事遺去強依山郭聊安

枕穩託波濤似坦途卧聽噲吟啞塔響文章神境悟

寓真軒詩鈔

卷五

七

髯蘇

霧過小孤山

一氣混鴻濛天連水蒸霧我舟放中流帆重難輕度  
篙師指謂我小孤時前路靦面失雲鬟層層碧紗護  
但微聞晨鐘渺不知何處

大風江行

扁舟一葉疾於飛帆側難平柁力微江上浪花吹作  
兩隨風點點上人衣

泊趙家口



頗覺饒生意人家漸滿隄編茅成屋住種柳與檐齊  
市小民風樸年荒肉價低日中沽酒飲醉過夕陽西  
丙寅八月安慶奎星閣落成以劉璧臣明府韻

賦呈吳竹莊方伯

坡老流傳已有年化身遙證古因緣

俗傳東坡爲奎星降生臺

齊皖伯思時哲亭仰涪翁繼昔賢方羨雲章從此盛

公題以雲漢天章四字

獨開風教讓公先

兵燹後捐建斯閣各書院皆修葺並創學

宮夜來試向奎垣望應放光明照大千

振衣天際縱雙眸傑閣登臨快壯游一代雄才能作

寓真軒詩鈔

卷五

三

賦適課書院即以奎星閣賦命題

四時佳趣總宜秋屏橫遠岫窗中

列帶繞長江檻外流攜手丹梯容我上儘聯珠斗集

吾儔

白皮松

本是蒼髯叟偏爲白足尊幾經煙雨溜猶帶雪霜痕  
骨委龍初蛻翎梳鶴欲翻塵埃終不染世外自蟠根

綠萼梅

別擅孤高格前身萼綠華賞宜浮蟻醞簪稱畫蛾斜  
夜月香千樹春風水一涯阿誰飄翠袖手折護窗紗



山茶

獨向嚴寒際，花開爛漫紅。  
繁英紛簇錦，密蕊厚攢絨。  
色訝凌霜豔，光添映日融。  
虬珠擎穎穎，宛獻出蛟宮。

水仙

不知仙已渺，遺佩在人間。  
生抱瓊瑤質，恥爲脂粉顏。  
託根一勺水，弄影數拳山。  
聊伴安吟榻，香清入夢閒。

金瓜

引蔓垂金實，勻圓號作瓜。  
食難陳案祭，摘偶滿簾誇。  
雅合詩人供，那平容武士搗。  
子如留布地，種異故侯

寓真軒詩鈔

卷五

三

家

木梨

莫漫增酸楚，山中品獨高。  
醉人資釀酒，惠我雜投桃。  
顏凍應同色，筋舒可息勞。  
宣城佳果著，此味近風騷。

紅魚

亦自悠然樂濠梁，趣或同拂波。  
金鬣小戲水，錦鱗工  
蘋藻襯逾麗，桃花流欲通。  
豈知湖海闊，尙有赤鯁公。

白燕

習習樊籠燕，烏衣舊里門。  
憑將綵絲繫，疑返玉京魂。



舞怯風難受，栖憐月半昏。春來多紫乙，未可與同論。  
丁卯三月，方海雲明府以登大觀亭詩見示，疊

韻和之

樓臺同訝闢鴻荒，牆下家家欲樹桑。山色至今浮極

浦，江流依舊送斜陽。挽回劫運談何易，吟到忠魂字

亦香。亭畔即余忠宣公墓祗恐魚龍應笑我，鉛刀爭及劍鋒銚。

海雲有江上魚龍惜劍銚句

再疊前韻留別海雲

風塵深愧陸莊荒，歸去聊娛十畝桑。空有豪情思北

寓真軒詩鈔

卷五

十四

海別無奇策，卧南陽。不貪自厭金銀氣。新已卸管權局銀錢得

暇還親筆硯，香頰語故人。秋正好，梯雲能否試霜銚。

中秋號舍醉題

銀燭煙銷脫稿纔，一輪斜照一樽開。捲簾大笑頽然

醉，揮手從今不再來。

每聞更鼓韻悠悠，佳節無聊強自留。拋卻家園風月

好，此間曾度幾中秋。

從古文章炫眼花，縱然偶得亦何加。我生別有蒼茫

感，身外浮名畫足蛇。



夜窗燈火弟兄情冰鑑雙懸兩地清家少軒分披江南荷溪分校粵  
東可憶有人鏖戰苦整戈臨陣背孤城

舉杯邀影共盤桓矮屋追隨結舊歡為告多情牆外  
月不妨留得與人看

三十蹉跎懶著鞭幾番甘讓祖生先便教丹桂從頭  
折猶詠霓裳愧少年

鄉試報罷程少安主政次韻賦感仍疊韻柬少

安

棘闈喧撤夢醒纔幾葦丹成鼎又開自著錦衣飛貼

寓真軒詩鈔

卷五

五

月慣看人向月中來

見說登雲有路悠我曹底事苦句留升沈頃刻仙凡

別天上人間兩樣秋

也知清夜霧中花藍筆從何墨瀋加余落卷領出房考圈點幾滿而

以悞用墨筆不敢薦呈搔首仰天無處訴怪成弓影幻杯蛇

屢遭紅勒太無情誰抱冰心澈底清從此願仍投筆

起不求聲價重連城

那來光景奪齊桓拔劍酣歌強獨歡運退文章工亦

拙有誰青眼尙留看



任他同學快揚鞭，虛駱才名判後先。應自小時招物

忌。余與少安小時均以穎異聞。悔攄詞藻擅髫年。

戊辰四月奉吳竹莊中丞檄同鍾官城丈之蜀

### 籌餉感事述懷得詩八首

地北天南汗漫游，無端車騎又扁舟。勞勞敢厭風塵苦，碌碌真慚歲月遒。回首不堪思往事，撫心多未合時流。近來頗有知音感，轍綫才邀尺寸收。

放眼雲山款送迎，六舒來往一身輕。衝泥直有兼旬雨，灑道曾無終日晴。纔過潁川懷霸略，又臨淝水聽

寓真軒詩鈔

卷五

夫

軍聲雄疆重鎮東南倚，一片波環百雉城。壽州城春夏四面皆水。

偶然捧檄問瘡痍，民瘦咸驚縣吏肥。官舍固應庖有肉，市廛爭奈地無皮。全空德怨心何憾，不避猜嫌意太癡。事過自箴還自省，古人清最畏人知。

半途飛權趣星還。余適出查淮北各州縣私權而以是役調回。意外俄聞

蜀道艱拚繞蠶叢，千折坂欲銷鶴唳。八公山一官司

馬渾如寄百尺元龍可許攀。謂同行陳午峯觀察。笑煞登場成

傀儡未能免俗且隨班。



寒賤何知禮數尊，倒操手版謁侯門。途經彭澤腰羞折，山對匡廬面幸存。世態漸諳應愈怕，宦情初閱不須論。茫茫預擬抽帆好，長醉田家老瓦盆。

難得冰絃太古音，早從先世訂苔岑。

即官城丈

百年誼矢

膠投漆兩代情孚，利斷金作客願隨工部後。故人無

負巨卿心，獨憐遺稿曾刪定。猶爲推敲字字吟。

瀕行囑攜

先集加校

各攄懷抱及時開，相對清樽瀉綠醅。未害人呼爲怪物，不教天忌是庸才。屠龍自惜藏無劍，市駿空聞築

寓真軒詩鈔

卷五

七

有臺此去升沈都，莫問唾壺擊碎共徘徊。

壯我行將萬里途，那辭險阻入夔巫。白鹽赤甲撐詩

界，青石丹崖展畫圖。饒有雄奇供客眺，豈無豪富爲

君輸。垂鞭倘過相如里，且訪當年舊酒壚。

潯陽甘棠湖煙水亭懷古

甘棠遺愛流無窮，一湖煙水搖空濛。湖心有亭瞰煙

水，匡山秀列橫屏風。山光倒映湖光裏，如此湖山並

清美，獨惜五賢閣久成劫灰。至今憑眺空遺址。

亭後向有

五賢閣祀陶淵明、白樂天、周濂溪、王陽明、李石溪五先生。君不見蜃樓高刺天，半



青金碧丹艷塗羶腥新街近建洋樓約半里餘琵琶一曲同已矣

蒼茫無處尋孤亭

道士狀

壁立削千仞狂流撼石根崖懸飛鳥墜山截怒鼇蹲

江氣連巫峽潮聲入海門煙波懷釣叟洪即西塞山張志和詞云

西塞山前白鷺飛是也日落欲黃昏

陽邏野泊

面山臨水是吾家楊柳陰濃稻有花我便無田歸也

好不知何事走天涯

寓真軒詩鈔

卷五

六

漢口雜詠

巨鎮天下重九州此財藪萬商萃停雲百貨羅積阜

怪遭赤眉亂浩劫在陽九列肆羅長街一炬歎烏有

不圖數年內重興抑何陡平地創樓臺華屋構恐後

依舊衢巷交門戶難辨剖居者自蜂屯行者仍蟻走

乃知要路津中蘊生氣厚

我舟從西來沿江築新樓丹青亂雲日照水光采浮

玻璃四面牖珠箔銀雙鉤窮華極土木利盡還我搜

自有草昧開幻此世界不



皇仁務寬大一味尙懷柔中外實天定嗟汝殊輕投  
深入三萬里恐亦非良謀

夷吾設女閭相沿漫成俗此邦胡更多通都地饒沃  
千門倚娉婷萬人競追逐羅袖風飄颻簪鬢花新簇  
賈客賤黃金揮金恣游目誰道污泥中絕少和氏玉  
自稱良家子百身無可贖紛紛輕薄兒所遇恆不淑  
但聞攜手笑那見雙蛾感長筵廣徵歌歌急聲如哭  
市滿人擾攘一枝難覓栖深巷得蝸舍屋小檐孔低  
無聊且託處二三知己攜轉嫌太逼仄買舟向河隄

寓真軒詩鈔

卷五

九

卻從登舟後毒熱蒸人迷篷窗訝湯鑊波底煎沙泥  
但恐腸胃爛莫慮面目黧炎歎苦行役安得辟暑犀  
天道誠厭亂人心自還樸奈何變加厲奇技淫巧作  
更動諸妄念未肯安淡泊尋常窶人子遽慕腰纏樂  
竟思盤萬貫騎上揚州鶴亦有茅茨士長年飽藜藿  
忽思列鼎養析圭復儋爵坐此貪與謬五中欲燔灼  
遂爭徑趨捷遑顧本息惡舉世方悻悻醫狂乏奇藥

武昌訪黃鶴樓故址

掠波雙槳渡江去一笑尋攀鶴樓路逶迤拾級躋其



巔但見長江一派蒸煙霧黃鶴渺何之白雲自朝暮  
雕梁畫棟過眼皆浮漚惟有川原高下鬱紆無古無  
今長爲山靈護俯覽芳洲草仰觀漢陽樹我身亦是  
波間鷺人海飛飛不能住吁嗟乎人海飛飛不能住  
未知此生此地能再來兮還幾度

謁胡文忠公祠

干戈今痛定俎豆有專祠一代名臣冠千秋遺愛思  
嘉謨陳密勿碩畫著來茲公全集所刻奏議公牘皆切中時弊至道  
昭然在何徒利用師

寓真軒詩鈔

卷五

三

漢陽登晴川閣

一閣晴川峙登臨興不窮好山青繞郭遠水碧浮空  
鸚鵡才徒豔龜蛇勢自雄土人呼大別山爲龜山其對岸山爲蛇山以形似也  
漢江古形勝奪襪憶膚功

黃篷山六月阻風過崇鳴寺納涼

蕭寺經兵燹猶存屋兩三雜苗隨地種高樹與天參  
有客披襟坐無人揮塵談尋涼聊小憩蟬噪晚風酣  
初七夜乘月渡湖迷不得路次日出口則南風

轉爲順風矣



南風吹浪捲如山，幾日停橈未出灣。  
強泛月明行不得，野蘆圍住水中間。  
行盡平湖裏，港通一彈指，現轉移功揚。  
帆笑泊前頭，岸今日風仍昨日風。

伏日寄稷堂兼柬黃溥之明府

傳燾

暑雨炎風汗不乾，驅人第一是飢寒。  
兩頭解結他年易，八口家營此日難。  
得句不妨頻入夢，寄書應勸互加餐。  
似聞鄙吝潛消盡，賴有汪洋叔度寬。

稷堂時就溥之宿松

縣館

寓真軒詩鈔

卷五

三

早乘小舟過沙市

月光猶未落，泛泛扁舟小。  
舟弄水有聲，驚起林端鳥。  
橫河穿石橋，雙槳盪清波。  
橋上無人行，橋下有人過。  
破曉嫩涼生，天空淨無暑。  
披襟坐船頭，清氣撲眉宇。  
菰蒲綠岸長，上荷葉繞溪栽。  
香重含朝露，時時風送來。

偶從草市行，言往沙市止。  
郊外野人家，飯牛正初起。  
七月初五日，與官城丈同飲。  
午峯觀察舟中即

事



酒人飲酒如飲水長鯨一吸杯見底主人好客如好  
龍天上饒龍亦垂尾是日適見龍挂噴涎吐沫成雨流龍欲  
下飲真無由空濛中倘遇太白應跨龍背呼咄咄已  
返仙界千餘年人間猶有清狂客

信宿洲上夜聞風雨不寐

但聞淅瀝又颼颼欹枕連宵感不休夢裏關河忘涉  
險客中風雨易成秋五更鄉思如雲亂半載光陰似  
水流樓指自憐途尚遠可堪漂泊在孤洲

下溪口

一名虎牙灘

寓真軒詩鈔

卷五

三

兩山東湍峙森立門戶固石頭虎牙撐篙眼蜂窠露  
下臨百丈淵上有千年樹日高巖始見風細江莫渡  
一綫烏道盤眾艇蛇壑赴谿衙穴齧深澎湃濤噴怒  
控帆輒颺落引纜難拽住榜人啞無言坐客驚相顧  
西來入蜀程艱哉此先路

得家書知紀兒入泮官城丈以詩賜賀依韻奉

答

紀兒名光岳

敢誇珠樹立亭亭爲挹清風襲德馨旂影乍搖芹采

碧袍痕初拂藻縈青竟思繩武能傳鉢余家自先大  
人及愚兄弟



皆十八歲入轉盼舍飴亦授經公近有誕孫之信莫謂稻孫樓較晚弄璋先兆玉丁零

東山寺且閒軒懷歐陽公

辦香粉社重廬陵遺愛東山實式憑歲晏一樽閒遣處令彝陵時常至寺游有幕府文書日已稀清樽歲晏且相攜句碧梧丹桂白雲局

次韻官城文招與其弟子善刺史同訪三游洞

即呈

彝陵坐守百無事

時已守水彌月

聊訪洞壑窮搜幽我何敢

與古賢伍公卻恰得昆弟游

洞因白樂天攜弟知退與元微之同游以名今

寓真軒詩鈔

卷五

五

公亦攜弟三人千載如一轍重巖疊嶂迎雙眸平淮更欣不謀合樂天碑記係平淮西之明年余與公歸奉檄入川淮西亦去年平公另有記助文思下水舟

爾雅臺和官城文

長卿擅文章橫行似螭虬孔子雖上哲為道猶醯雞粵自爾雅成多識詎獨詩飛潛與動植品物參考稽景純古大儒箋註靡所遺楚人尚浮誕稱作形家師言運汴梁土載向峽州施宜郡俗傳景純相地自河南運土而築是臺其義甚渺茫往事那可追至今屹高臺翻動青鳥思不



見汾陽祖壘掘仍印纒

游慈雲寺

滿堂列坐阿羅漢  
顧我如親笑語曾  
疑有宿根忘不得  
卅年前是打包僧

發宜昌

江神似與山靈約  
故縱濤頭十丈高  
應自有心留客住  
要人濡筆繼風騷

地經居久漸多情  
無限依依別緒縈  
臨去青山亦相戀  
兩行齊立送行旌

寓真軒詩鈔

卷五

五

暮泊黃牛峽

細雨斜風入峽門  
黃牛山下欲黃昏  
停橈偶向懸崖泊  
石壁條條屋漏痕

神龕子

神龕子舟人聞之色欲死  
山川奇險吁如此吁如此  
心膽寒嵌空巖腹迴驚湍  
滿江漩流成轉丸船悞觸  
石船不完中有靈物波底蟠

蝦蟆碓

征帆挂風上沿路過絕壁  
時有飛瀑流雪練穿林出



夙聞蝦蟆碛其水品未一

陸羽茶經品爲第四泉張又新水記則品爲第一云

誦誦囑舟子接取煩代汲欲煎試雲腴仰彼傾月液望之不得泊仙源覲面失回首石盤灘空咽濤聲急

### 腰站河

一河襟帶橫縈繞百餘里灘高密且長櫛比不勝紀殷雷轟石攢齒齒白洞之勢更奇詭頭角崢嶸鬪犀兕我舟撐拒石槽裏腰站河險灘最多而白洞子尤甚只一線槽可通舟長年把柁臂使指岸旁緯夫多似蟻

### 牛肝馬肺峽

寓真軒詩鈔

卷五

五

崖懸插江江怒馳龐然有石紛下垂牛肝馬肺何纍纍肝自輪困肺欲裂萬古波濤不能齧杈枒疑積糝糊血繞船陣陣來腥風仰視斑駁色各同返照射壁沈水紅

### 新灘

聽人說新灘聞名怯奔赴如何上灘時灘不知何處

潮滿倒迴瀾

灘因川漲漫過

自在中流度

### 兵書寶劍峽

峽從何年始開鑿但見崩岌千尋山山多欲崩未崩



石兵書寶劍藏其間劍可舞書可讀誰實埋之在幽  
谷惜哉恩恩一瞥飛鳥過不然架梯直上窮差幾行  
將把書按劍發高歌出爲斯世平偏頗陰符一卷水  
三尺男兒須學萬人敵可憐邊徼猶鋒鏑

香溪口

昭君昔時舊居處曾對涓涓淨洗妝美人一去不復  
返至今溪水空流香

寓真軒詩鈔

卷五

五



寓真軒詩鈔卷六

新建 蔡希邠 稼堂

歸州懷古

無限蕭森感山城一櫂過心傷宋玉宅魂斷屈原沱  
地名詞客耽騷賦漁人習楚歌不堪千載後愁絕只風波

洩灘

鸚鵡巖前飛激箭爛魚坊裏感驚湍誰知柁轉流來

觀僥倖新灘又洩灘諺云有新無洩有洩無新時以川漲灘亦未出

寓真軒詩鈔卷六

上八斗下八斗

上八斗下八斗水石撞擊地雷吼千巖萬壑皆動搖  
濤頭欲挾山與走一船緯須百夫負挽不添人人束  
手長年三老倍神惕少跌即爲蛟鼉有我幸過此占  
无咎忽報前途進牛口進牛口灘更陡行路難能忘  
否

牛口中秋夜月

一輪圓滿恰當頭亂石堆邊舴艋舟大地山河疑不  
夜異鄉風月自中秋幻成七寶空明澈印入千潭激



灑流江上魚龍難睡穩怒濤翻雪滾晶毬

西瀼

扁舟泝江來言出瀼水西狂歌杜陵客曾此誅茅栖  
養拙非得已山川猶鼓鼙遙想屋後園甘實常纍纍  
取資媚盤餐蔬果盈筐攜還有東屯稻旅食薄可支  
偶然值田叟遮飲醉如泥人生行樂耳簪組夫何爲  
苦遭塵網攫奔走歲不疲柴荆如可守良願課鋤犁

官渡口

入峽船皆至此小泊  
另僱五板船帶纜

水面微寬地稍平暫從官渡駐勞旌即看前路猶多

寓真軒詩鈔

卷六

二

畏況復明朝入峽行

三宗子

江流擊石飀欲然

三宗子有石如火飀  
起江心即名火飀石

深峽鼎沸波

如煎盤渦鼓從水底出魚眼纔過蟹眼圓吾儕舍舟

強登陸捫蘿試踏玲瓏玉

余見水勢洶甚約諸同人  
就岸緣石行五里許怪石

層出以足踏之而行石間芙蓉盛開崖危更援鐵索下手把芙蓉坐山

足至壁絕處無路攀鐵  
索下坐山腳待船

鐵棺峽

鐵棺不可見縹緲天以半不知誰何氏黝黑難考按



應有陳死人終古神未渙或者竟飛昇遺蛻留江畔  
仰首欲睇之層巖隔雲斷

香鑪灘

編魚溪上香鑪灘我時度此方朝餐灘頭突遇水騰  
躍舟小傾簸翻杯盤篷脚斜拖不能起浪花滾雪噴  
滄裏顛狂一葉訝猶龍看到入水還出水

青石洞

洞深小有天山高仄無路船隨磨轉旋青石洞口有石爲大磨小磨至此水如轉磨然人從壁飛步一髮千鈞引難住抉石奔騰

寓真軒詩鈔

卷六

三

水聲怒水奔愈急波愈狂抱頭蝮卧莫敢望斷槎觸  
處浮帆檣沿途壞舟甚多

巫山

十二碧芙蓉靈竒造化鍾鴉盤神女廟螺擁美人峯  
掃石壇前竹鳴濤澗底松三碑何日訪策杖撥雲封

進三峽上霸王鉏老鼠錯等磯是日斷纜者再

兩陷於漩得五板船飛送纜援出險事後道

憶有不堪自設想者作三峽行

危嶠壁立遮滿川川有上中下峽之三泉我來川水



適泛濫不見古洞流涓涓

三峽泉間皆有洞時爲水漲掩之

山多摩

雲巧嶂日耿耿微露青冥天霸王磯固奇且橫斗絕  
鼠錯還鉤連陰崖仰窺深莫測束手無術窮攀緣呼  
船曳纜穿石罅握之引之挽以前懷乎朽索馭六馬  
一蹶便入千仞淵舟師坐客至此齊咋舌但聞人聲  
水聲震耳交喧闐無何修綆一再斷似鷹脫鞴箭脫  
弦驚濤蹴珠繞盤走孤篷岌岌波亂旋潮頭過人撲  
人面面色如土尤長年眾夫停橈啞相向三老挾柁  
昏欲懸霎時水高出船上眼花眩訝落井眠命衡鴻

寓真軒詩鈔

卷六

四

毛實輕賤勢搏羊角同狂顛平生動與憂患狃卻於  
險處仍安全巴兒習水知水性特飛雙楫從江邊放  
繩不憚捎溜遠打槳能教撇漩圓恩恩姑用兩端執  
裊裊還憑百丈牽蒼黃中若有神助徑達彼岸庸偶  
然嗟我此時強鎮靜形同槁木枯參禪詰朝事過一  
回憶心膽俱碎暗獨憐倘無慈航力救護未必超越  
苦海而勿填乃知人世升沈自有定蛟龍潭底空垂  
涎

黑石峽



石形惡已醜石色黯且黑勁質堅於百鍊剛狂瀾終  
古磨不得扼江怒挾成雷鳴疑是三千鐵騎兵轟屋  
震谷夜斫營蜀水掀騰蜀山兀回頭更聳雞心突峽  
口森森攢白骨

雞心石白骨背  
皆入峽最險處

### 兩泊夔府次官城丈韻

乍行峽盡疑無路轉見山開始有城江出瞿塘紆水  
勢石涵灑瀨咽濤聲

時灑瀨石  
尚在水中

一樽濁酒巴鄉味兩  
卷新詩蜀郡程探勝欲從登草閣滿船風雨暮雲橫

### 九日長壽道中登高

寓真軒詩鈔

卷六

五

雨餘雲溼濕生胸佳節登高境偶逢鄉堡縱橫多絕  
巘客途迢遞半奇峯野經亂定形猶壯山入秋深色  
轉濃無限嵐光浮腳底笑凌仙界瞰芙蓉

### 梅溪夜宿

斷崖懸磴下如梯滑澁微嫌路有泥村市數家燈火  
裏一肩今夜息梅溪

### 早度鐵山

朝發自山下白雲何茫茫及穿白雲上反訝雲盡藏  
豈知入雲內雲滿人衣裳回瞻所來徑不辨青與蒼



浩浩如銀海，雪浪隨風颺。我今恍悟身，已達上方  
紆。徐陟其巔道，轉坦以康。僕夫亦旋至，環顧各在旁。  
登輿竟西度，直與雲飛翔。

成都謁武侯祠

用杜韻

古柏參天欲十尋，入門先覺氣蕭森。三分局自操成  
算，五丈原難奏捷音。力矢忠貞惟效節，志安淡泊早  
盟心。鞠躬不爲英雄恨，但覺清風襲滿襟。

爲劉庸夫題戎馬歸來細讀書圖照

十年前已讀君文

庸夫名愚，吉安人。年未三十，著有醒予山房文鈔。

恨不天

寓真軒詩鈔

卷六

六

涯遍訪君何幸，披圖如對月。忽教吐氣欲凌雲，虞卿  
嗜古耽成癖。杜牧談兵恥策勳，纔得相逢遽分袂。浣  
花溪畔話離羣。

出成都重宿龍泉驛

獨客馳驅興易慵，飄然無定此浮蹤。載行仍覓來時  
路，且住徒聞飯後鐘。碁到斂枰難放手

事始開辦尋奉檄調回皖

酒拚傾榼自澆胸，醉吟不覺還家遠。夢度雲山十萬  
重。

自金臺鋪大雪行次資州夜宿東官城丈



江南初唱柳依依今日西川雪竟飛  
天女散花輕委地行人撲絮亂沾衣  
心勞客燕巢空葺目斷賓鴻信亦稀

謂稷

應羨遠游兄弟樂錦城同住又同歸

高館張燈對影三此間曾記其停驂  
一年冷暖剛周閱萬種辛酸已飽諳  
儘有文章聊自放獨於山水不妨貪

官丈好學老而彌篤尤嗜山水之游

最難骨瘦神逾健長嘯登臨老尚堪

### 資州雪後山行即景

一徑縈迴度溪曲遠山近山如積玉  
橋頭市冷三兩

寓真軒詩鈔

卷六

七

家破曉炊煙凍茅屋道逢老人話  
輿前巴蜀無雪今四年向來米價  
天下賤斗粟增至千餘錢明秋大熟  
應可望瑞兆豐穰慶天降我聞斯語  
寒亦忘游人轉爲居人暢矧自東  
西南北身天涯何處非比鄰狂飈  
刮面冷凝鐵眼前差喜無纖塵行  
行時復越巖洞琪樹瑤花紛侍從  
未入蓬壺骨已仙底須更作羅浮夢

除夕招同李金溪明府飲於重慶寓齋談至更

盡而散賦此贈之

光陰及婪尾飄瞥如電影歲華等閒拋  
東西事馳騁



言念初捧檄扁舟溯淮潁未登山萬仞先泛湖千頃  
是時正炎夏赤帝威斯逞局促篷窗裏熱燄薰踵頂  
透迤行邁遲展轉經伏永待交秋序後纔入彝陵境  
溽暑覺漸消客懷頗私幸何來漲猶惡洪流接天迴  
下上歎望洋智勇兩皆盡終日坐江干搔首情徒窘  
守株已彌月欲發弓屢引俛仰熟躊躇冒險乘小艇  
一葉舞飛湍尺寸牽纜緊駭浪絢作花怪石森簇筍  
勢與蛟龍搏心共鸛鶴警艱難出諸峽稍稍憂慮屏  
遂抵魚泉岸肩輿得所請

至萬縣收陸行

磴道曲盤空層巒

寓真軒詩鈔

卷六

八

與複嶺路旁憑送日竹柏秀爭挺觀茲慰行役味合  
回苦茗豈知入蜀來遇事動多梗水火求不應權衡  
在人秉錦城去復還爲謀空自省穿雲越巖高踏雪  
度溪冷蹉跎歲將逝蕭瑟殘年景迺有北海豪相對  
良夜靜宦途苦風波君比我深領驂騑雖一蹶英氣  
猶未泯終當脫鞵去摩霄厲蒼隼濁酒非家釀聊復  
同醕酌丈夫志四方焉能戀鄉井燒燭恣酣談鐘動  
星欲隕

己巳元旦與鄉人酌旌陽宮



燈搖紗影滿街新

渝俗元旦各家門首俱以紅紗作燈

細雨如酥滑鞠

塵萬里又逢元旦日一樽同話故園春飛箋作賀文

多陋敲鉢吟詩趣尙真閒爇旃檀薰玉座西山仙結

古鄉鄰

二月偕蔣介眉廣文

茂齡

過海棠溪上訪老君

洞並邀劉炯臣蕭月溪飲歸得七古一首柬

介眉

渝城二月春已深滿園桃李成繁陰紛紛出郭事游

戲我亦攜伴相招尋蔣侯磊落人貌古神亦古暫離

寓真軒詩鈔

卷六

九

煩惱場同踐清淨土翩然放櫂隨鷗度飛泊海棠溪

下路天氣剛逢雨乍晴嵐光忽洗雲和霧方壺員嶠

層層立石磴盤迴帶泉溼修篁夾道上青霄高樹過

牆攢翠壁入門一掃萬慮空亭榭曲折幽巖通池影

倒涵書畫舫

斗姥閣西有船房下臨小池是日席設其內

山色擁護金銀

宮莊嚴樓閣參差起琅笳瑤函儲妙理阿誰跨鶴悟

前身當日乘牛幻彈指

相傳老君會乘牛過此

地遺丹竈與芝

房鼠姑正開旛錦張

時牡丹盛開道人以錦旛護之

松虬繞屋濤聲

靜花鳥窺人笑語香從來嘉會那常有況復傾懷對



樽酒漫勞挂杖罄百錢聊效開徑得三友興酣投袂  
欲起舞遑問誰賓更誰主偶凭朱檻俯長江遙見綠  
波生極浦浦口帆歸夕照斜疏林處處漸藏鴉試上  
輕舸共回首伯陽仙洞鎖煙霞

三月重至成都游草堂寺謁杜文貞公祠

萬里橋西去千秋此寓公草堂尋舊蹟蕭寺闢幽叢  
戶外清溪繞林間曲徑通乍迎猶滴露惟見竹搖風  
掠地蒼雲動浮天翠霧籠影篩金瑣碎聲戛玉玲瓏  
斜占三分水橫開一畝宮

寺西有徑通祠夾植修竹萬竿娟娟深秀竹盡處即

寓真軒詩鈔

卷六

十

祠宇祠再西有池寬約數頃一水漣漪苔猶侵砌綠花自映池紅曾並

妻孥止還傷弟妹窮至情攄孝友熱淚灑精忠憂國  
時時劇思鄉處處同白頭成野老青眼出元戎幕府  
才名擅將軍禮數崇每持詩律細不遣酒杯空格變  
梁陳體詞宣稷契衷儀容瞻肅穆襟抱挹淵冲當代  
無餘子承流有放翁

近以陸劍南配饗

蘋蘩今合薦俎豆慰

飄蓬

夔府夜泊聞歌

一家一箇艇如梭絃管深宵奈若何郎自愛聽儂愛



唱可知歡少妾愁多

客歸

江流發源處乘勢下江關事莫皖軍濟人空蜀國還  
危時曾破膽佳處卻開顏回首夔巫道蟠胸膈有山

庚午春將入都述懷

君門迢遞望長安慚愧相如偶得官經世才疏嫌鈍  
拙累人情重覺辛酸恩多自揣酬非易職小從知稱  
已難惟有前程期努力書來都說勸加餐

道出維揚曹右之孝廉祺以詩見贈次韻答焉

寓真軒詩鈔

卷六

十一

一時賓主盡南東

時在李小峯  
觀察幕中

狂狷攸殊入道同彈

指七年重聚首不妨抵掌吐長虹

三疊陽關莫漫催強教攬轡恐非才此番或可增聲

價親向龍門作客來

即謂小  
峯觀察

行遍天涯我尙貧試思投轄更何人

謂陳宜  
頌廣文

舊交有

子崢嶸甚

昨見其  
子祖庚

堪慰窮泉此石麟

喜能久別身同健相對裁箋寫薛濤安得竟閒投入

社小游仙館共揮毫

淮安作家書寄示兩兒並呈鄭蓉軒明府



束裝亦已久行何故遲遲有兒病經年藥餌窮所施  
緇兒得奇病經年和緩不世出逢人問良醫鄭公有道士高

步追雷岐踵門叩慙慙慨然爲我治治之未旬日二  
豎颺已馳是何效神速觀者咸驚疑生死而肉骨此  
德深靡涯通宅手加額浹髓還淪肌遂謀出門去展  
覲趨

丹墀忽焉客欲發旦晝萌以時對茲轉句留留亦聊  
暫羈仍叩鄭夫子重爲拯顛危願言絕餘孽毋任藏  
肝脾含淚囑家人善爲我扶持家人走相送瑣瑣前

寓真軒詩鈔

卷六

七

致詞風塵苦跋涉慎勿過憂兒兒時恰在旁強笑破  
愁眉牽衣向我道阿爺且莫悲兒病雖纏綿得穀尙  
可支緇病雖久穀食如常息心靜調護狂燄終當衰我聞亦姑  
聽去去從此辭

艱難上前路囊橐空如洗助予仰將伯未肯輕啟齒  
吾渴雖待汲不飲盜泉水世態復炎涼恐爲流俗鄙  
所賴道義交尙有數知己念我久戎幕一貧乃至此  
各分鶴俸清相與潤行李旅費粗可給稍抽濟鹽米  
昨從廣陵過剛到書一紙上言家用乏下言兒病止



究未除厥根閱時必旋起寄書示阿兒努力圖返始  
還仗醫國手補救盡善美墨淡情孔濃示緇先示紀  
紀兒年已冠研磨貴經史家事亂如麻得閒亦須理  
汝弟抱沈疴長縈我心裏汝當熟斟酌形色細審視  
但保汝弟安一室歌樂只至樂在天倫萬鍾胡可擬  
汝曹克遵循遠人夢猶喜

山東觀各村堡紀之

樓堞參差擁土城寇氛連歲掃全平看他堅壁還清  
野應較南方利用兵

寓真軒詩鈔

卷六

三

過羊叔子故里並懷諸葛公

輕裘緩帶高千古羽扇綸巾後一人生不同時偏接  
壤德無孤立自成鄰荆襄巴蜀恩猶在海岱琅琊迹  
已陳兩地適皆爲過客九原難復起儒臣

車中望泰山

未登先入望便可小塵寰軼蕩凌諸嶽穹窿見此山  
嵐光生眼底雲氣納胸間行矣朝  
天去鑪香拂袖還

自沂州府山行出章夏開山題壁



我曾泛舟弄急湍急湍雖險舟自安我曾乘輿登絕  
阪絕阪雖險輿自穩始知天下路莫難於走齊魯馬  
頭終日揚塵土車夫跨轅悍如虎有時猛雨驚乍過  
康莊到處皆成河我車欲渡不得渡泥水騰蹕驅雙  
羸豈無稍高地先出免歎望洋循轍迹那堪中道碾  
溝深輪蹄陷入嗟盈尺有時迤邐繞山麓怪石低昂  
森起伏大者磐磐小纍纍方者稜稜圓碌碌犬牙牛  
角交錯磨亘數百里坡復坡輕輶下上相戛擊錚鏦  
鐵騎鳴金戈南人驟歷魂夢愕此身幾似風中鐸劇  
憐筋骨疲漸穿轉慮肝膽碎將落徒步不能停不可  
顛之簸之右而左銀海光搖炫生火矧乃時懷覆轍  
傷兢兢度隴越重岡奈何平地亦顛躓兩輪忽仰弓  
反張君不見僂轅昨日駒一蹶橋畔依稀漬人血

燕趙道中即目

玉顏當戶颺輕羅十九篇中句不磨羸得詩人空寄  
託浪傳佳麗此邦多

抵都

歷盡山程又水程下車今日始神京不辭冒雨沿途



瘁自王家營開車一路皆雨稍慰瞻雲戀

闕情

北來新踏輭紅塵看遍紛紛據要津卻笑年年三伏  
走自家同是熱中人

都中病疽東程鄂南水部鼎芬

帝城雙闕五雲遮終古車書自一家時聞天津夷務頗棘底事

養癰來日下不堪扶病在天涯芎苓薄試當頭效薑

桂難期放膽加賴有故人時問訊為籌良藥手頻又

次韻江印泉比部廷傑對雪

寓真軒詩鈔卷六 五

北風吹雪陣驚鴉飄入歌筵舞袖斜是日與人觀劇墮地紛

紛化成水眼前誰信是空花

接家書喜緇兒病愈

一紙從天降翩然尺素書眼穿多病後余近亦病累月心亂

未開初乍閱情猶怯何期患竟除平安願長報緇兒小字

平竹蔭護吾廬

十月十六日

養心殿引

見恭紀



九重心法

兩宮頒親仰

天威咫尺間報國願從今日始起家休薄此官閒但  
能在下求民瘼不負當前識

聖顏終是

皇仁登進廣腐儒猶許列鸞班

燕臺行

并序

出都有日程鄂南水部援古贈言例作序送  
之而屬龍筠圃吏部

文彬

以書筠圃吾鄉績

寓真軒詩鈔

卷六

六

學力行士也鄂南取友必端於筠圃可概見  
顧余忝附其列又承筠圃相見恨晚欣然樂  
書并書數語序後慰勉交至昔人云得一知  
己可以無憾今乃兼而有之雖累抑於有司  
可無憾矣獨余以一諸生膺當道薦今入  
覲不以其爲不材而棄之將官於皖皖經兵  
燹後且濱大江其間番舶往來盜賊出入波  
濤灑滌隄岸衝齧撫綏防範諸大政固非微  
員末秩之所得而與聞然皆不可不知以爲



當道泰山土壤之助鄂南必更有以教我矣  
余感鄂南古誼殷拳爰作燕臺行以答其意  
請仍質之筠圃倘蒙筠圃亦或欣然樂書并  
書數語詩後還質鄂南結文字之因緣證友  
朋之道義是則余所望於筠圃者耳

我初至燕臺驕陽爍地飛塵埃

龍樓鳳閣望不見但見夾道多青槐槐花正綻黃金  
色下

詔求賢盡南北六街車馬鬧紛紛拏雲爭欲梯先得

寓真軒詩鈔

卷六

七

此心久已如止水古井波瀾不重起會看吾友壯思  
生射雕顧盼猶自喜弋人見獵興轉豪挾弓同仰霜  
天高短衣結束復攘臂眼底落落空諸曹那期疊發  
竟無獲依舊沈淪遭勒帛扶上丹霄路已登罡風吹  
墮鷓鴣翻拔萃君曾達  
帝都文章光耀動當途

氣象親干揮彩筆聲價增重侔璠璣賤子碌碌何短

長綺歲僅擷芹藻香知己生平兩使者涇陽去後又

襄陽余自庚戌入學受知於張文毅師尋取古學第  
一名題擬會期廣西匪賊議科試優等中以兵



亂停考至戊午補行歲科  
試並受知於單地山師  
秋闈報罷數凡六牙曠難

邀負琴筑從古中州有正聲  
謬叨下采巴人曲余已未鄉

試出陳簡齋師房今復出  
李仲遠師房皆河南人  
得失全憑頃刻間漫論流

水與高山清時尙有劉蕡在  
便不登科未汗顏暑齡

里巷聲稱早鄂南幼時與余並竊奇童之譽  
卅載何堪俱潦倒及茲

分路各揚鑣祖逖著鞭差未老

禁城日暖

養心殿煙裊

御鑪班入

寓真軒詩鈔

卷六

六

見冠佩趨蹌

景運門

玉階仙仗都瞻遍詰朝

恩旨出

楓宸汝其之皖毋逡巡一官尋涖皖中地卻將何術

臨吾民元氣凋殘挽初復懷襄恣虐波臣酷澤鴻莫

慰稻粱謀沙賊潛驚林莽伏大府多才擘畫周底須

空抱杞人憂愚者千慮庸一得捧檄燕臺未敢留我

從燕臺住又從燕臺去此去何時再相遇江南月冀



北雲黃鵠遠別思其羣臨別贈言今有君君知我深  
交我久更因端人取端友惠然推愛錫箴規昌黎少  
陵成一手良朋傾許意良厚未信此生能踐否寡過  
他年倘未能尺書還望郵筒走

宿黃村東鄂南並都門諸子

滿腔離緒黯銷魂話到喉間語轉吞無限相思縈兩  
地故人今夕住黃村

雞鳴時發雄縣

夜策輪蹄繞郭經五更雞唱不堪聽月光潑地踏逾

寓真軒詩鈔

卷六

七

冷霜氣撲人眠乍醒遠道微茫見沙白疏林閃爍過  
燈青已行十二連橋盡隔岸人家戶尙扃

德州途遇賀儀仲明府

廷鑾

旋晤喻璧臣明府

遂同行焉維時天已隆冬風日和美而我三

人者野店郵亭朝餐暮宿呼茶列坐把酒酣

談真行路中未可多得之樂也並示儀仲璧

臣

三人傾蓋約偕行無雨無風日日晴晨月載塗交馬  
語夜霜圍屋待雞鳴盤飧互領他鄉味樽酒聊娛薄



宦情俱訝此身全似雁衡雲江樹總南征

經泰山下書所見

泰山之雲不崇朝而天下雨胡爲乎能濟四方而獨  
莫濟此邦之疾苦道旁攔叫跪索錢老稚顛連不勝  
數皮膚凍裂手足皸形骸垢汗面如土過客停驂未  
忍覩解囊愧無以活汝可憐汝曹皆赤子  
朝廷立官原汝撫我因作詩留告當途賢召杜

泗源溝阻風與儀仲話別

宦海飄搖一葉舟易離難合是吾儔登場我效婆娑

寓真軒詩鈔

卷六

二十

舞退步君期款段游舊雨每從今雨起儀仲初不相識逆風

翻作好風留白門咫尺將分手小住清談愛石尤

十一月十九日到皖賦呈吳竹莊方伯

三年二萬八千里水陸舟車取次行身爲飢驅忘路  
險耳無烽警遇時平曾游雲棧歸仍健慣涉波濤夢  
不驚通德幸承廉讓舊捫懷惟勵飲泉清

辛未正月爲莊子封

元植

題梅花書屋圖照

庭空如水冰透襟冷香撲衣花滿林稜稜中孕太和

氣鐵石心亦天地心

子封善詩並精申韓家言



送春詞

東郊迎春無幾時坐看九十韶光馳韶光自來還自  
去來何歡喜去何悲一年春盡別殊苦春作客兮人  
是主百年春在留不得春作主兮人是客亂雲飛絮  
短長亭柳枝都化可憐青魂銷蝶影含情弄腸斷鶯  
聲惹恨聽棟花風榆莢雨風雨淒其黯無語脈脈縈  
懷千萬縷

中秋夜不見月有懷程鄂南水部並寄都門

陰陰盡日晴難定淡淡微雲薄不收莫問有無今夜

寓真軒詩鈔

卷六

三

月已過三十九中秋

風景依稀憶去年夢縈矮屋路三千廣寒我自生無  
分君近瓊樓尙得仙

四十初度

少壯蹉跎歲易遷一彈指頃入中年駐顏不倩劉安  
藥勵志仍揮祖逖鞭浪說出山同太傅那能畫水學  
真仙觚棱回首秋風後袍袖猶含

采殿煙

記纔十五失靈椿三十萱摧倍愴神空憶音容俱已



渺自憐骨相本來屯表阡祇恐孤先德捧檄何曾逮  
老親猶幸推

恩及三世備邀光寵洽

絲綸

不多骨肉夢長縈巴蜀幽燕總客程剛得追隨偏善  
病每思耕釣薄浮榮牀聯坡老懷予季粥煮英公負  
女兒他日宦成歸里去大家分秩慰生平

四十誰云仕正強彊聽衙鼓且登場境期不動心如  
水道愧無聞鬢欲霜冥莖自知生閏月

余生於壬辰閏九月初七

寓真軒詩鈔

卷六

三

日菊花應預作重陽德星叨共同僚聚

同人公祝爛於奎星閣

醉持螯縱舉觴

壬申四月二十日得孫喜賦

醉歸欲三更天氣涼似水薄雲月昏黑挑燈卧隱几

十九夜於府署醉歸花妍媚短檠細吐金粟蕊有星自西墜流

光閃窗紙癡童觸屏醒驚仰不敢視出聞後堂喧中

婦生男矣家人走環報階下羅拜跪告之初墮地未

露眼鼻耳但見紅作團籠頭炫霞綺揭如帽驟脫啼

聲頗雄偉

先是胎衣內有物紅色罩頭如縐紗然揭之始啼

胎衣色淨綠稍



異敬則紫文章願貽厥鼓角望吾豈少焉東方白介  
壽觥酌兕太守做華筵予亦陪朱履後先昧爽聞名  
用慶生紀是日適值安慶府劉公生日故爲小字慶生剝極數宜復因以

悟泰否轉思去年時吾兒病顛趾草草爲完姻深託  
薇蔭美去年是時次兒患衝厥疝兼發舊證危甚竹莊方伯勸之完姻幕中有嘉賓

醫道通變理謂許宜山先生邵子精六壬占得三天喜謂邵莘卿

都遂於新婚後沈疴漸徐起吉夢叶熊羆門外懸弧  
矢恰將歲一周毋用勞屈指況乃雙桐樹連蜷並生

子長兒婦亦於下月分娩興宗事猶待博笑先賴爾桑果盼成

寓真軒詩鈔

卷六

林分甘從此始

夜雨枯坐東胡稚楓太守志章

獨坐渾難寐蕭齋一事無天寒燈影淡人靜雨聲轟  
但得師兼友誰言吏不儒校經秋夜好我欲問蘇湖  
約取明朝飲能消塊壘無浮沈甘宦冷擁腫愧材麤  
舉世醒皆醉通家道在儒靈源探一派是水即江湖

稚楓晚  
精內典

歲除漫感

臘鼓聲中盡此宵忽驚明歲是明朝窮無可送寬文



字陽已潛回驗斗杓莊叟智輸禽擇木鄭人愚悞鹿  
藏蕉不堪百感環生處坐對殘燈手獨挑

幾時蘊熱釀隆冬庭樹兼旬被雪封今年十一月猶熱至臘月初始

霏雪兼旬浮世幻傾銀作界遠山明削玉成峯南連平地

深三尺北極瞻天慰

九重想是吾

皇親政瑞預書大有樂歌雍

漢家景運及時興閒散無嫌冷似冰燒煖人爭誇利

市賣癡我欲效聾丞丁添入抱撚髭弄余於三月留髭矣

寓真軒詩鈔

卷六

三

筭從頭數齒增平淡自饒安靜福耳根先喜遠青蠅

畫虎懸羊轉盼間老梅紅破報春還時盆中紅梅已開一官

久逐浮沈慣八口全依進退艱况有知交猶仰首愧

無涓滴稍開顏孤寒夢接多親舊薄宦翻愁近故山







10792